

 www.lvkweekend.nl



 **DAGBLAD DE LIMBURGER** 



Limburgs *D*agblad



www.stichtinglvk.nl



Vormgeving: **ARTO**design - 0475 326487



L V K

LIMBURG VASTELAOVESLEEDJES KONKOER



FINALE 2 FEBRUARI 2007
SPORTHAL JO GERRIS MAASNIEL

LIMBURGS

VASTELAOVESLEEDJES

KONKOER

AUTOSCHADE
PETER BROUWERS BV



Rabobank Roermond e.o.

MARKETING • COMMUNICATIE • STRATEGIE

arc



TANDARTSENPRAKTIJK 'NEEL'

Boels
verhuurt bijna alles!

top
UITZENDGROEP

Pisters financieel
geluk verzekerd



GEMEENTE ROERMOND



OP DE TOEKOMST!



DAGBLAD DE LIMBURGER


Limburgs Dagblad



DE TROMPETTER
het grootste en meest gelezen weekblad



HOUBEN
MEDIATECHNIEK
ROERMOND MAASTRICHT



KESSELS
schoenmode



Dit weekend had nooit tot stand kunnen komen zonder de steun van de leden van V.V. 'De Katers' Neel, onze sponsors en alle vrijwilligers.



FINALE 2 FEBRUARI 2007
SPORTHAL JO GERRIS MAASNIEL

't **L**imburgs **V**astelaovesleedjes **K**onkoer 2007



Vriedig 2 fibberwarie 2007

Sjpothol Jo Gerris, Neel (Remunj)

Prissentasie : Gaston Jacobs

Samensjtelling :

Jos Cremers, Stichting LVK

Ôntwerp: ARTO Design

Drök: Van der Linden Drök, Gelaen



Het Limburgse volkslied

“Limburg mijn Vaderland”

Waar in 't bronsgroen eikenhout
't nachtegaaltje zingt;
Over 't malse korenveld
't lied des leeuweriks klinkt;
Waar de hoorn des herders schalt
langs der beekjes boord:

refrein

Daar is mijn Vaderland
Limburgs dierbaar oord!
Daar is mijn Vaderland
Limburgs dierbaar oord!

Waar de brede stroom der Maas
statig zeewaarts vloeit;
Weeldrig sappig veldgewas
kost'lijk groeit en bloeit;
Bloemengaard en beemd en bos
overheerlijk glooit:

- refrein -

Waar der vaad'ren schone taal
klinkt met held're kracht;
Waar men kloek en fier van aard
vreemde praal veracht;
Eigen zeden, eigen schoon
't hart des volks bekoort:

refrein

Waar aan 't oud Oranjehuis
't volk blijft hou en trouw;
Trouw aan plicht en trouw aan Geus
heerst van Zuid tot Noord:



Etty Willemse-Kemp



Veuroord Veurzitter Sjtichting LVK



Van de ierste kier det ze de LVK finale georganiseerd hebben, hebben ze in eder geval geine 'Kater' euver gehauwe, die prachtige Vasteloavesvereniging oet Neel. Want deze kier organiseren ze neet allein de LVK finale mer ein gans wiekend met onger angere op zaoterdigmiddig het Kinger Vasteloaves Leedjes festival. Wat bei elkaar huurt is nau bei elkaar gebracht. Det belooft get te waere! Het groete fiest start natuurlik met de finale. En aan die finale is wer het ein en anger aan veuraaf gegaon.

Door de aanscherping van de reglementen zien der dit jaor wat minder leedjes ingezonden. Mer dao heet de kwaliteit neet onger geleeye. Integendeil zoe vong de hoofdjury die in december wer alle leedjes in twie daag twie kier beluusterd en beoordeild heet. De 60 beste leedjes hebben wae daonao allemaol op zaoterdag in de veurbije maond kinnen huure bei Radio Vasteloavend. Veur het ierst waas er de gelegenheid um op oze internetsite tussendoor van de meiste leedjes nog ens effe ein klein stukske te beluustere. Aansloetend hebben de bonnentellers in Eysden zoals geweenlijk wer veul oren gemakt um die honderddoezenden stummen te tellen. `En mit al die 'stummen van het volk' zien der oeteindelijk wer 19 finalisten euver gebleeven.

As ze aan al die LVK deelnemers, juryleden, bonnentellers, loesteraars, kiekers, spjonders, L1 en neet te vergaete de plaatselijke organisatie zauws vraoge warum ze allemaol zoveul tied hei aan besteejen dan kreegs ze waarschienlijk het volgende antwoord: 'DAT ZIT BEI OS IN DE FAMILIE'. En al zien de klanken en de weurd in Noord-Limburg 'n bietje anders dan in Zuid-Limburg, toch veult men zich inderdaad lid van ein groete familie. Ein familie die Limburg tot 'n einheid makt.

Limburg det strekt zich oet 'Vaan Eysde tot de Mokerhei', de titel van de ierste winnaar in 1977. Van de veurgaonde 30 edities van het LVK kwaam de winnaar 16 keer oet Zuid-Limburg en 14 keer oet Noord- en Midden-Limburg. Dao mit is nog ins aangetoond det der ein aardig evenwicht is en det de familie zich good euver de ganze provincie gespreid heet. Zoe heet door al die jaore heen heet het LVK nog ein angere beteikenis gekregen namelijk: Limburgse Volks Kultuur! Het spel steit wer oppe wagen. Opzie, opzie, opzie' dao kumt hae aan!



*Laote wae der mit zien allen van gaon geneeten.
Ich wins eederein eine fantastische en onvergaetelijke finaleavond en alle deil-
nemers hiel veul succes.
En wae hauwe op de kis umdet er wer veur de 31^e kier ein LVK finale is.*

Joep Verbugt
Veurzitter LVK

Stichting LVK



't besjtuur beschjiteit oet (op de foto van links nao rechts):

*Jan Volleberg, John Habets, Hilde Bremmers, Bert Achten, Joep Verbugt,
Elise van Wordragen, Erik Brouns, Stan Spauwen, Jos Cremers*

Postbus 1625 - 6201 BP Maastricht - e-mail: info@stichtinglvk.nl
www.stichtinglvk.nl - k.v.k. nr. 41071309 - bankrek.nr. 17.05.28.111



Veurwoord veurzitter VV de Katers oet Neel



Veur de 2^e keer de finale van 't LVK in Neel

In 't dertig jaorig besjtaon van 't LVK is VV De Katers de eerste klup die veur de 2^e keer teikene veur de organisasie. De Katers sjrievie historie. Veer vinje 't ouch noe weer ein grote eer en hōbbe 't ouch gaer veur uch gedaon.

VV De Katers haet, waat betruf 't vastelaovesleed, al ein jaorelange tradisie. Al 21 jaor waerd eine eige leedjesavond georganiseerd wobiej de Neelder sjlager gekaoze waerd. Dit haet nao boete toe geresulteerd in zes LVK finaleplaatse en zeve eige seedeeds.

*Det de organisasie van zōn LVK-aevenement nogal get veut in de aerd haet hoof ich nemes oet te legke. Mer gelōkkig is t'r nogal get ervaring en wilskrach binne de vereeniging die zōn sjpektakel good oppe peut kinne zette. Mit zōn entoesi-
jaste klup is 't ein geweldige oetdaging.*

Vanaaf midde oktober zeen de veurbereijinge begos en de letste waek hōbbe veer de puntjes op de i gezat. Naeve de enorme inzet van de vereeniging wil ich ouch alle sjponers van herte danke omdet zōnger hun finansijele en materijele sjeun 't gaoroet neet meugelik waas gewaes. Neet onbelangriek is de gooj samewirking met 't LVK, 't KVL, L1, Rowwen Hēze en de gemeente Remunj. Hiejveur oze gemeente dank. L1 zal op deze avond ein rechtsjtreekse radio- en tv-oetzending verzorge.

De Jo Gerrishal zal gans volloupe mit sjoon oetgedoste en besjilderde miense die sjpringe en hosse en mitdeine en zinge op de negeteen vastelaovesleedjes.

Eder leedje en edere arties haet ziene eige troewe aanhang en toch zuus-se bieje zōn finale eine veurbeeldige sjtried wobiej ederein mit eiderein plezeer maakt. 't Geit om 't oetdrage en promote van 't Limburgs vastelaovesleed en 't LVK haet d'r veur gezorg det 't dialek de baovetoon is gaon veure.

Es veurzitter van De Katers wins ich alle deilnummers aan de finale vāöl suukses en ich haop det de beste wint. D'r kan mer ein leedje winne mer 't mitdoon aan zōn finale is opzich al eine sjone pries. VV De Katers is blij uch op deze avond



goje daag te zegke en haope det alle deilnummers, mitwirkers en bezoekers eine onvergeitelikke, plezierige en muzikale aovend zulle belaeve. De organisatie sjtelt 't op pries det d'r in beide halle neet gerouk waerd. Hiej veur oze dank.

Vastelaovend Same

Veurzitter VV De Katers Neel

Leon Hamans



Voorwoord Burgemeester van Roermond



Beste carnavalsvierders,

Welkom terug in Maasniel! Na 2001 is de Jo Gerrishal in deze vitale wijk van Roermond weer het decor van de finale van het Limburgs Vastelaovesleedjes Konkoer. De leden en sympathisanten van VV De Katers hebben er alles aan gedaan om u ook deze keer weer het echte vastelaovendsgevoel te bezorgen, dat zo uniek is voor de Limburgse cultuur!

Roermond is blij dat carnavalsvierend Limburg dit weekend de weg naar het bruisend hart van Limburg heeft gevonden. Na de finale van het Limburgs Buuttekampioenschap in de Oranjerie is de finale van het LVK het tweede grote carnavaleske evenement dat dit jaar in de bisschopsstad wordt georganiseerd. En we organiseren graag want Roermond is nu eenmaal een evenementenstad pur sang. Zowel zomer als winter is hier van alles te doen; van Taptoe tot Bevrijdingsfestival, van Sjommel-mèrt tot Sjwaampop.

Nu komen de carnavalsvierders aan hun trekken. Met muziek uit het hart gegrepen, door cultuurliefhebbers zelf gecomponeerd en van toepasselijke teksten voorzien. Als burgemeester spreek ik de hoop uit dat er weer een terechte winnaar uit de bus rolt en dat we niet alleen van het winnende lied, maar ook van al die andere deelnemers nog genoeg mogen horen in de komende weken. Ik wens u veel (luister)plezier en genoeg!

Met carnavaleske groet,

*Henk van Beers,
Burgemeester van Roermond*



Iche neet want ich geneet !!!

Gezônge door : 4 op 'n rie
Teks : Herman Geenen

Plaats : Urmond
Componis : Huub Lemmens

Refrein Ich geneet, ich geneet,
van 'n zate hermenieke of 'n vastelaovesleed.

Ich geneet, ich geneet,
van 'n lekker nònnevötje of es Pieërke butereet.

Ich geneet, ich geneet,
want de sjpas is dan de prins van 't verdreet.

Es 'n fieës dich zoa kan drage,
wae in Limburg maog dan klage?
Iche neet, want ich geneet!

Es 'n fieës dich zoa kan drage,
wae in Limburg maog dan klage?
Iche neet....neet.....neet.....neet.....neet.....neet.....want ich geneet!

Couplet Wae geit d'r noe op wèntjersjport? Iche neet!
Zit achter zien kompjoeterbord? Iche neet!
Wae geit d'r lever kiene dan? Iche neet!
Dan höb ich mörge sjpiet d'r van,
dat doon ich zeker neet, zoalang de welt zich dreet.

Wae haet de bòkkepruuk noe op? Iche neet!
Of zit mit zörrig aan de kop? Iche neet!
Wae wilt d'r lever sjlaope gaon? Iche neet!
Dan höb ich mich tekort gedaon,
dat doon ich zeker neet, ich zèng 't hoagste leed.



Witse wie?

Gezônge door : W-Dreej: Quinn Warmerdam,
Hay Wilders, Christel van Rijn
Teks : Quinn Warmerdam

Plaats : Venlo
Componis : Quinn Warmerdam

Refrein Witse wie-se vastelaovend môs gaon viére?
Det is ein kosbaar limburgs bezit.
En mósse deile mit wae det nog neet wit.
Witse wie?...Dan laot ein ander daovan liére.
Want nóów is Limburg altiéd op zien bes.
En is ut groëte veurbaeld veur de res.

Couplet Unne boétestaonder oét ut land,
Bekeek ut zich met bedraag.
Want Limburg sprông heej oét de band,
Met de vastelaovesdaag.
En toen kwaam beej um ein vräögske op,
"Wao kump det toch van haer?
Hebbe die ut heej dan in ut blood of kump det van ut beer?"

En dae boétestaonder zag al vlot;
"Det heb ik néét zoë geliérd!"
Hae prakkezeerde zich kepot;
"Waat doon ik heej noow verkiérd".
En hae zông en sprông, 't-had genne zin,
Al deej-e good zien bes.
Daorum vroeg hae ôs ; "Kan ik beej ôg,
Op vastelaovesles?"

Brökske

Nog efkes, en dan haet ut ganse land ut ônder de kneen.
Maar in det geval, dan zulle ze ôs neet boéte Limburg zeen.



Euze Limburgsen Hiemel

Gezônge door : Duo X-Elle
Teks : Gilbert Peters

Plaats : Maastricht
Componis : Gilbert Peters

Refrein Es alle ingele vertrèkke oet d'n hiemel,
En Petrus gans verkleid steit aon zien poort
Daan is 't leve us hei heilig
Heet Vastelaovend weer 't allerhoegste woord
Want dao bove wèt me ouch tot 't hei good is
Zoe mèt 't oug altied geriech op zonneshien
't is toch 't zaaligste gevoel mèt Vastelaovend
In euze Limburgsen Hiemel te zien.

Couplet Get veur de Vastelaovend goon de ingele op pad
Ze zeuke daan naor stöfkes die ze noets höbbe gehad
Mèt ingelegedöld weurt hel gewerrek eder jaor
Op tied zien daan de sjoenste pèkskes klaor
In mie es doezend kleure goon ze zingenteer op weeg.....
En löp de gansen hiemel leeg.

Wee moojerziel allein blijf is deen er'me Slivvenhier
Bekiek ziech al zien ingele, verbaas ziech kier op kier
Kontent loert heer nao ónder, krijg de kriebels in zien blood
En zeet: "Zoe is 't fijn, zoe is 't good!"
Dee wereld vaan plezeer is toch 't levende bewies.....
Vaan us eige paradies!



Kukeleku

Gezônge door : De 3 Wieërter Tenore
Teks : Mark Bouwmans

Plaats : Weert
Componis : Ronald Moonen

Refrein Kukeleku zieët d'n haan,
waat mot ich noow beginne
Want vör elf hinne pinne,
det kosj e kapitaal.
Kukeleku zieët d'n haan,
de maegtjes wille stappe
En d'n haan dae moog weer lappe.
Zoeë plökke ze mich kaal.

Couplet Vae hebbe beej os toês wat hobbie-hinne.
En eine schoeëne groeëte gruuëtse haan.
Dae leutj zich doeër di-j hinne gaer verwinne.
Mer eins int jaor dan lônke di-j 'm aan.
Want keumtj dan dae vastelaovundjtied.
Dan wille di-j uitgelaote hinne gaer eur eike kwiët.

Wi-j kakelendje hinne zich verklei-je?
Vraogtj det mer aan d'n haan, dae êrme kloeët.
Ich heb 'm doeër de hinnekoeëj zeen trei-je.
Hae kukeldje "Al staon ich in 't roeëd".
Toch moge di-j hinne lekker gaon.
En ouch oeëze haan blieftj met di-j daag neet op 'ne druuëge staon.

Daen haan dae leutj di-j hinne drej daag loupe.
Gieët zelf vuuër de Paose langs de duuër.
Um vörsgelagdje eikes te verkoupe.
Hae verftj ze uch in de zjuuste kluuër.
En hieët oeëze haan de knuip op tes.
Dan wieëte di-j hinne detter volgendj jaor "e fieëstje" es.



Bin d'r tiëd kwiët

Gezônge door : Frans en Piet (samen met Roger)
Tekst : Frans Tijssen

Plaats : Voerendaal
Componis : Frans Tijssen

Refrein Bin d'r tiëd, bin d'r tiëd, bin d'r tiëd kwiët, wits doë wie laat 't is
Bin d'r tiëd, bin d'r tiëd, bin d'r tiëd kwiët, wie laat kump hie de bus
Bin d'r tiëd, bin d'r tiëd, bin d'r tiëd kwiët, witsste wië dat koam?
Bin d'r tiëd, bin d'r tiëd, bin d'r tiëd kwiët, mien oer is bliëve sjoan

Couplet 's Mörgens wie ich wakker woëd,
d'r wekker haej neet aaf gegoan,
zôs oër moos ich opsjtoan,
ich moos wirke noa d'r baas toe goan,
wië ich doa toen aan koam,
zei d'r baas, hé jong,
doe kins geliëk waer heivusj goan,
d'r daag is waer hoas om,

Och god, och god, miën oer is waer kapot

's Middigs moos ich noa de sjtad,
dat wool ich mit d'r trein,
dae woar al sjuus vertrokken,
dus ging ich richting heim
toen dach ich, och wat pak de bös,
maer die woar auch al weg,
't klökske om d'r pols sjting sjtil,
dus hauw ich waer ins pech

Och god, och god, miën oer is waer kapot

's Oaves ging ich noa ein fiës,
doa woerd bës vuul gesjöt,
doe zei men mich, pas doë maer op,
de ligs zoë in de göt,
noa ellöf, twellöf, dartiën glaaser,
woar ich aardig vol,
d'r tiëd woar ich vergaete went
dan höbse vuul mië lol,

s' mögens wie ich toes koam, toen dach ich ach au wei,
't woërd mich effe helder, witsste wat ich zei?



Vastelaovend Viere

Gezônge door : Anny en Jacques van Triangel
Tekst : Anny Everaerts

Plaats : Helden-Panningen
Componis : Anny Everaerts

Refrein Ich kom heej Vastelaovend viere
Want ich bin Vastelaovesgek
Nae neemus hoeft mich det te liere
Ich zit heej good op miene stek
Is d'r get te doen in Vastelaoveslank
Bin ich neet te haoje, veul dae sterke bank
Ich kom heej Vastelaovend viere
Want ich bin Vastelaovesgek

Couplet Zoe eine kier per jaor en det is hiel speciaal
Versteit zich idderein zoe good, sprikt dan dezelfde taal
As ich dan nao die minse kiek en bin wao ich geer bin
Dan veul ich mich op schlaag zoe riek, dan krieg ich gooie zin

Zoe eine kier per jaor staon ich weer op die steul
Krieg dan dae Vastelaovesstoek, det is ein good geveul
Wae staon dan met de neus veuraan en neemus kriegt os weg
Wae gaon der duchtig taegenaan, os Vastelaovesrecht



Sjuuf !

Gezônge door : Ouch Enne
Tekst : Marc Verblakt

Plaats : Sittard
Componis : Marc Verblakt

Refrein Sjuuf! èns op mit de prie
Laot ós d'r èns veurlangs
Laot ós d'r èns veurbie, zègk doe dao
Sjuuf! èns op mit de prie
Noe sjuuf toch èns ein bats
Noe gank toch èns opzie
Veer zeen d'n ganse tied in ongewis
Of d'r hie nog ein plaatsjke is, dus doe dao
Sjuuf! èns op mit de prie
Noe sjuuf toch èns ein bats
Laot ós d'r èns veurbie

Couplet Drie waeke lank gesjoesterd
en get gefispermöld
Mit wirke aan de waage
vööl aovende gepröld
En kump d'n daag van optoch
dan trèk' veer nao de sjtart
En motte oet gaon vösje
Wo kèn veer hie d'r tösje
Maak plaatsj, opzie, veer wille ouch d'r bie

En mit de vastelaovend
Dan trèkke veer d'rop oet
't pèkske wurt gesjtreke
en laot de boet de boet
dan gauw nog effe pinne,
get bónne mótt veer nog
en kènt de sjpas beginne
es die dan zeen gekoch
Maak plaatsj, opzie,
veer wille ouch d'r bie

Die drie daag zeen d'r weier
Dan is hie heel get lós
mit laamaake en sjlachte
't maske is de klós
en zuik veer dan d'n tap op
dan is 't dèks zo drök
't Sjerfhoes bènnekómme
dan gaaroets neit mee lök
Maak plaatsj, opzie,
veer wille ouch d'r bie



Höb ich dat...?

Gezônge door : De Drie Geliënde
Tekst : Maurice Pluijmakers

Plaats : Hulsberg
Componis : Jos Gijzen

Refrein Höb ich dat? Höb ich dat, dan allenei gemis?
Noe kiek sjat! Noe kiek sjat, wie lekker dat 't is!
Noe veul toch wie 't tintelt van de kop tot in de veut.
Zèk höbbe dat nog miè luuj of bin ich allein zoa bleud?
Höb ich dat? Höb ich dat? Ich wis neet dat 't kós.
Meh heij ich 't geweite waar ich ièder d'r aan begós.

Couplet De buurman waar mit carnaval aan wintersjport verknoch.
Dat doerde tot hae in 't gips weer truukkaom door de loch.
Noe viert 'r vastelaovend en hae gluif zien ouge neet.
Meh veuraan in de polonaise zingk 'r noe dit leed:

Tant Fien die woort op laeftied door 't leefdesvuur geraak.
Wat bleek, de ware Jacob dat waar eine jónge sjnaak.
Ze veulde zich weer twintig en ze dankde Cupido
en zong 't oet tösje de lakes van de ligemeaux:

Nonk Wiel dae bleef mer sjoefte, dae haet noats d'n daag geplök.
De cente woorte opgepot, die ginge in de zuk.
Noe kiek 'r door de hemelpaort 'ns af en toe nao ós
en zuut 'r ós genete reup 'r: "heij ich dat gewós":



Heej bliëf ik plekke

Gezônge door : De Toddezek
Teks : Rene Verschueren

Plaats : Grubbenvorst
Componis : Rene Verschueren

Refrein Heej bliëf ik plekke
Heej gaon ik stekke
Heej bliëf ik staon
Heej bliëf ik plekke
De veut verzette, det zal ni gaon
Want miën zaole zitte vasgeplek in allemaol daen driët
Zoë heb ik met de vastenaovend alle tiëd
Heej bliëf ik plekke
Heej gaon ik stekke
Heej bliëf ik staon
Heej, heej, heej bliëf ik plekke
Heej bliëf ik staon

Couplet k'Heb alles geprobeerd
En jaore lang gezoch
Wie'se now ut beste blieve plekke kôs
Mar nôw is ut zoë wiëd
En heb ik ut recep
Vûr de allerbeste vastenaovesplèk
De goeijs dan wat confetti op de dansvloer neer
En reurs d'r dan nag efkes met wat beer doorhaer

En is 't 's morgesvrüüg
De poetsvrouw is d'r net
Wurse ok nag efkes in de weik gezet
En zaet zeej " gank opziej
De steis mich in de waeg"
Vur desse ut wets bisse d'r oët gevaeg
De goeijs wir wat confetti op de dansvloer neer
En reurs d'r dan nag efkes met wat beer doorhaer



Ko Zak Door

Gezônge door : 4444 (Veer Veere)
Teks : Herman Geenen

Plaats : Gelaen-Lenjtheuvel
Componis : Huub Lemmens

Refrein Hoj, hoj, hoj, hoj, hoj.
Hoj, hoj, hoj, hoj, hoj.

Ko zak door 't is weer vastelaovend.
Ko zak door mit zien Kozakkekoor.
Ko zak door nog deper es d'n aovend,
auch al ligk gans Limburg op 'n oor.

Hae wilt ummer sjoete, dat is gein geheim,
auch al môt 'r kroepend oppe kneje heim.

Ko zak door 't is weer vastelaovend.
Ko zak door mit zien Kozakkekoor.
Ko zak door nog deper es d'n aovend,
auch al ligk gans Limburg op 'n oor.

Couplet In 'ne aafgedankde verkessjtal,
hauwe ze al sjpas veuraaf.
Aan de wagel veur de karnaval,
woort gesleuteld en gesjaaf.

En dat klònk pès midde in de nach,
In de buurt woort al gezach.
Hoj, hoj, hoj

Wiej 't prònsjtök in d'n optoch kaom,
kraakde 'r van alle kenj.
Wiejer doe d'n ieësjte hoebel naom,
bleef 'r hange oppe benj.

Mer 't koor dat zòng oet volle kas,
biej 'n doorgezakde as.
Hoj, hoj, hoj



Gesjmink nao bèd...!

Gezônge door : Jef Verheijde
Teks : Vivianne Rijnders

Plaats : Maastricht
Componis : Raymond de Pauw

Refrein Iech gaon gesjmink nao mie bèd
En staon gesjmink ouch weer op
Roed geel greun zien de kleure vaan dee kop
Iech gaon demèt nao bèd en staon d'r weer mèt op
Iech gaon gesjmink nao mie bèd
En staon gesjmink ouch weer op
Daan bin iech geprippareerd
Want mie geziech is al verseerd!

Couplet Mie pekske aon de kapstok, gein sjeun mie aon mien veuj
Vol vaan vastelaovent, oetgetèld en meuj
Nog evekes get ete op de baank
Werrem hepkes, dat smaak wel nao d'n draank
Daorum dink iech neet aon miene kop
Dus die kleure blieve d'rop.

Ligk iech in miene kôrref, huur iech nog 'n trompöt
Langzaam kump de sjemer, d'n ierste vogel flöt
Iech druim de sjoenste druime orelaank
En weur wakker vaan hermeniekesklaank
Daorum dink iech neet aon miene kop
Dus die kleure blieve d'rop.



Mit gaffel, sjup en sjoefel

Gezônge door : Paul & Leo
Teks : Paul en Leo
Münstermann & Keularts

Plaats : Heerlen
Componis : Paul Münstermann

Refrein Woa is d'r Naad?
Deë is sjoefele in d'r gaad
't Geet óp Vasteloavend aa
En weë is werm te laat?
Dat is d'r Naad
Deë is sjoefele in d'r gaad
Mit gaffel, sjup en sjoefel,
't gantse joar paraat
Mit gaffel, sjup en sjoefel
Mit gaffel, sjup en sjoefel
Mit gaffel, sjup en sjoefel,
't gantse joar paraat

Couplet D'r elveroad hou werm get sjieks inee gefiespernöld
D'r Naad zouw komme helpe, ma heë hou ze werm gekuld
't 's middigs in d'r gaad nog kwiek lebendig
Wie 't óp wirke aakoom vólt heë zich lamlendig
Ummer deed heë sjtuute: "Ich bin Vasteloavesgek!"
Ma 't leefste sjteet d'r Naad toch mit de klómpe in d'r drek

Ze hant d'r Naad óch oeëts nog ins Prins Carneval gemak
Kómpleet mit kap en vere en óp moat gesjneie frak
D'r zaal woa vol, d'r Prins woeët oetgerope,
D'r gantse middig woa al hendig oetgeloep
Sjpanning in d'r poetiek: doeëds sjtilte in d'r zaal
"Woa is-se?", sjreit d'r Preziedent, bauw riep vuur 't sjpitaal

Bruk Ma óp de Boerebroelof,
doa veult d'r Naad zich heem,
Da viert heë Vasteloavend
en de res is ouwe leem

... en roeëd, geël en greun is de kluur va paprika



't sjräome en bäome koor

Gezônge door : Kartoesj
Teks : Guus Steinen

Plaats : Limbricht
Componis : Guus Steinen

Refrein intro

sjtèl dich veur: dit is hie 'n kefeeke ...
mer 't is 'ne keffee zônger meziek ...
doe heurs gein jukebox , d'r is zelfs gein ceedeeke,
d'rom sjräöm' en bäome veer hie zelf met gans de kliek

Refrein sjräöm-sjräöm- sjräöm- sjräöm- sjräöm

veer zin 't " sjräome en bäome koor",
veur instrumente hób veer gein sente.
veer sjmaere leever de kaele door
veer zin 't "sjräome en bäome koor"
dus sjmaer' ver ôs de sjtöm, mèt pils en hallef – um
dan wurd mèt gemaak, de hoge "C" geraak
daorum is ôs sjräöm' en bäome koor
ein genot veur jeder oor

Couplet doe gluijs 't neet , wae bènne kump :
't is de zaate hermenie !!!
wao get te sjräome en te bäome is,
zin die van de pertie
de ganse kroeg sjteit op de kop,
dit is te gek veur weurd
de kastelein zaet "zoa get sjoons !
dat hób ich hie nog nootsj geheurd"

Outro doon mèt- al is 't zo mer get -
doon mer get !!
doon mer get !!
't geuf toch god-zij-dank
niks sjoonders wie "de zangk" !!



Greetsje mit heur Vastelaovesleedsje

Gezônge door : Bedankt & Adieje fietsjering Brigit Plaats : Gulpen
Teks : Arno Op den Camp Componis : Arno Op den Camp

Refrein Joa dao is Greetsje (Hallo) , Joa dao is Greetsje (Joehoe),
Joa dao is Greetsje mit heur vastelaovesleedsje
Joa dao is Greetsje (Hallo) , Joa dao is Greetsje (Joehoe),
Joa dao is Greet (HEY GREET!), mit heur vasteloavesleed

Couplet Hallo, jao heij is Greetje, ich staon klaor
Mit mien vastelaovesleedje van 't kommend jaor
Ech 't is mich unne knaller, 't is 'n hit ('N HIT!)
Hebste 't eine keer gehuurt dan zingste mit:

Vastelaovend viere veer.....

En beij os in 't dörp, 't is ech waor
Dao vraoge ze: "en Greet, hebse dien leedje klaor?"
Dan zegk ich, " jao, 't is 'nne knaller, 't is 'n hit ('N HIT!)
Hebset eine keer gehuurt dan zingste mit:"

Vastelaovend viere veer.....



De roje draod

Gezônge door : Op Good Gelök Plaats : Maasniel
 Teks : Bart Willemse Componis : Etty Willemse-Kemp en Wim Kemp

Refrein De roje draod in mien laeve det bös dich
 Want doe deils jaor in, jaor oet leef en leid mit mich
 De roje draod in mien laeve det bös dich
 Maar 't inj kump noe langzaam in zich
 Doe ruuks ein bietje muf, bös hie en dao get wied
 Toet oppe draod versjlete, maar ich wil dich ech neet kwiet
 De roje draod in mien laeve det bös dich
 Maar 't inj kump noe langzaam in zich

De roje draod in mien laeve det bös dich
 Want doe deils jaor in, jaor oet leef en leid mit mich
 De roje draod in mien laeve det bös dich
 En 't inj kump nog lang neet in zich
 Doe ruuks ein bietje muf, bös hie en dao get wied
 Toet oppe draod versjlete, maar ich wil dich ech neet kwiet
 De roje draod in mien laeve det bös dich
 En 't inj kump nog lang neet in zich

Couplet 't Is zo wied, 't is weer tied, ich kiek ins in de kas
 ich griep nao miene aje jas en veul of hae nog pas
 Maar waat ein gapend gaat dao in, ich zit in zak en as
 Waat mó't ich noe toch mit dae vastelaovesjas?

Ich raak finaal de draod kwiet, ich sjreef 't van 't daak
 Ich kin de draod neet vinje, wie krieg ich 'm gemaak?
 Veurdet ich 'm noe weggooi in dees grote voelnistas
 Zing ich nog ein hommaasj aan miene vastelaovesjas

Wie pak ich noe de draod weer op, ich weit mich geine raod
 De aje vastelaovesjas dae sjteit al aan de sjtraot
 Ich zègk taegge mien leefste leef, noe bön ich ech de klos
 En het zaet taegge mich, doe höbs ein dräödje los

Gelök hingk aan 'ne zieje draod, want waat ich dao toch zoog
 Dao sjteit mien leef, hilt in zien handj 't gare al omhoog
 De vastelaovend is gered, want miene jas dae bleef
 En ich zing ein hommaasj aan dich, mien allerleefste leef



Det höb ich weer

Gezônge door : Pieter & De Aajwiever vanne Ruiver Plaats : Reuver
 Teks : Pieter Classen Componis : Pieter Classen

Refrein Det höb ich weer, det höb ich weer
 Zoeë geit det noe altied
 Det höb ich weer, det höb ich weer
 Mien gelök det bön ich kwiet
 Ein óngelök zit in ein heukske, waem haet det bedag
 Det ich dao altied in sjtaon det haaj ich toch neet verweg
 Det höb ich weer, det höb ich weer
 Waert den al sjnel gezag

Couplet Mèt Vastelaovend d'roet gaon
 Vuuël miense oppe bein
 Ich gaon bieje eine groep sjtaon
 Want ich bön maar allein
 Gaef dao geliek ein røndje, höb den drek gèn muntjes mieër
 Ze prooste en vertrekke, jao zoeë geit det idders kieër
 Zoeë sjtaon ich mè't mien pilske hieël veurzichtig aanne kantj
 Den kump de polonaise, sjtuuët det auch nag oet mien handj

En geit me saoves sjloete
 Den is 't auch weer tied
 Mót zónger jas nao boete
 Auch dae bön ich noe kwiet
 't Volgende probleempje det óntdèk ich den auch pas
 Want miene fietsesjleutel dae zoot in daezelfde jas
 De fiets dae sjeip ich mè't en dink wie kèn det allemaol
 Den hèlt mich nag de pliesie aan maar gluif neet mien verhaol



De oma wil 'ne tattoo

Gezônge door : Prinse-Road Schaesberg
Tekst : Jan & Guus Weijers & Steinen

Plaats : Landgraaf
Componis : Guus Steinen

Refrein Ja, wat makt die mich noe dan ?
ja, versjtees te dao get van ?
de oma wil zoe geer och 'ne tattoo han
zie wil besjtumt och ginne klinge (koor: oh nae !!!)
"zoë'ne klinge dea kan sjtraks gee minsj mië vinge!
hurre dreum –dea geet d'r opa aan 't hats-
dat is inne tattoo op 'n bats .

Couplet De oma woar va kinks aaf aa verrukt op sjmoek en seer
Sjtông sjtônde vuur dur sjeegel ach die zoog zich zelve geer
piepekrôle, minirok, 't goof vuur hōar gin grens
Zoeë volgde ze de mode en de aller nujste trends
En noe wie ze get owwer is zit dat nog ummer d'rin....
D'r opa zaet: "wie kan 't dat die dat nit laote kin ? "

D'r opa had zie leave lank de oma geer gezieë,
Mar wat de oma noen wer wil, dat sjnapt hea ech nit mieë
Al is de oma nog gans huupsj en ummer nog wie nuj
D'r opa zaet : "ich kan nit sage dat ich mich d'rop vreuj '
Ze hat wer get gezieë en ja - dat zal en môt zie ôch
Mar dat die dat mit dae tattoo doeë môt, is toch wiet gezoch



Duuje

Gezônge door : Cyrille Niël
Tekst : John Smeets

Plaats : Sittard
Componis: Gian Prince

Refrein Duuje duuje duuje pès veer bènne zeen
Egaal wo's doe dich eine drénke geis
Duuje duuje duuje pès veer bènne zeen
't liek waal of s'te in de file sjteis
't eesj nao lénks en dan nao rechts 'tis bienao neit te doon
mien pekske nao de klitse en de tuppe oet de sjoon
duuje duuje duuje pès veer bènne zeen
hie boete sjtaon nog zeker waal ein patsj of teen.

Couplet Doe sjteis hie taegenein geplek
't Beier lōp dich langs de nek
De vastelaoves sjpas wils'te neit misse.
Mien trōöt die vol mit deuke zit
Es weier eine de deur aop' sjmit
Doe zous dich in de lol waal éns vergisse
Mer lever zjweite en 't 'saoves richtig blauw
Es boete sjtaon te v'rekke van de kauw

't kapelke jao zo wie me zuut
wurd nao 't huske op geduujt
de bielemen die trampele nao bènne
de vaandrig haet neit opgelét
ligk mit zien vaan langs 't befét
jao ich begin mich langzaam d'raan te wénne.
Mer lever zjweite en 't 'saoves richtig blauw
Es boete sjtaon te v'rekke van de kauw
Zo is al jaore hie de sjpas
De knuip sjpréngje mich van de jas
Mit vastelaovend geis'te get belaeve
En ooze vorst haet ein malheur
Hink mit de sjlup tōsje de deur
Servé dae tap van gekkigheid d'r naeve
Mer lever zjweite en 't 'saoves richtig blauw
Es boete sjtaon te v'rekke van de kauw



Es ich dich lache zeen!

Gezônge door : Frans Croonenberg
Tekst : Ben Erkens

Plaats : Gulpen
Componis : Ben Erkens

Refrein:	Es ich dich lache zeen Hoof ich mich neet te sjinke Ich krieg vanzelf 'n kleur Wie sjun dieng auge blinke Zoe wie 'n gekke pruuk Zoe krölt mich dan 't haor Me ach, wat maak 't oet Ich ving 't gee bezjwaor!	Es ich dich lache zeen Dan gunt mieng oere toete Jeuk mich alwer de naas En trèk ich gekke sjoete Dae leve lach van dich Dae zaet mich klip en klaor Mit dich doert vastelaovend Haos et ganse jaor!
----------	--	---

Couplet: Ich weet nog
Dae aovend, dat ich dich dao zoog sjtaon
Vanaaf dat pril begin waors dich 't einde
Ich dach nog
Zègk kómpel, 't is mit dich gedaon
Ich veulde en ich wis dat ich 't meinde
Ich goof dich get te drinke
En doe lachdes leef nao mich
Ich mót nog ummer dinke
Aan dae lach op dien gezich

Noe vur twie
Vanaovend, wer same sjtappe gaon
Dat zunt veer blieve doa nao al die jaore
Weet' vur twie
Ós leefde, zal zeker noëts vergaon
An dich hób ich veurgood mie hart verlaore
Dus laot ós 'nne drinke
Kóm en dans nog 'ns mit mich
Dan mót ich drek wer dinke
Aan dae lach op dien gezich



2006: 't jaor van de samba !!! 't jaor van Kartoeshj !!!

Leef luuj , veer kènne mer ein dèngk zègke: veer hóbbe genaote, genaote en nog 'ns genaote!! Wat veer dit jaor hóbbe mitgemaak..., dit beukske zou èns zoa dik zin es ver alles zouwe mótte opsjriev. Toch wil ver uch heel gaer in 'n paar weurd 'ne indrök daovan probeere te gaeve. Veer hawwe sowieso al 'n vol programma veur 2006, mer wie ver daobie auch nog de euverwinning bie 't LVK behaalde is 't jaor allein nog mer sjooner en zelfs onvergaelik gewoore.....

Venaaf dae 10^e febrewaarie in Sjtein woort alles angesj : de ontlading op 't moment van "de euverwinning" het moment suprème, de ontvangst door de hermenie en de "bende van Kartoeshj" diezelfde nach in ôze toeshaave, woa ver auch bènne kaome: veer woorte onthaolt es helde, 't daak ging d'r meistaal gans vanaaf, sjouwerklöpkes in 't langsloupe tot talrijke zugabes, de ontvangsten op 't gemeintehoes in Zitterd-Gelaen en op 't gouvernement in Mesjtreesch, luuj die met ós op de foto wouwe, emes dae zich 'ne hondj aansjaf en dem "Kartoeshj" neump, de 1^e plaats in de limbo top tien, medepresentatie van programma "de bende van Pollux", luuj die ós op sjtraot bedanke veur de "amezaasie", luuj die ós mer blieve vertèlle dat ze hóbbe genaote, interviews met landelijke radiostations, euver de 1100 felicitaties, op de foto met minister president P.J. Balkenende, luuj die ós greutsj melde dat dit leedje hun familie hymne is gewore, felicitaties via 't gastebook van onbekende Limburgers die mitlaefde op Curacao, Aruba, en Nieuw Zeeland, serenades door de fanfares van Guttecoven en Limbricht, 'n optraeje bie Fortuna op de middenstip, en neum mer op, neum mer op.....



Foto: Multimedia Studio Janssen

Kortóm , óm ós haer is 't 'n gans jaor langk ein grote limburgse familie gewaes. En de vastelaovend ?dae kriste nooooooooootsj meer droet !!

Allemaol bedank veur 'n fantastisch jaor ! En succes veur ôze opvolger. Dem sjteit get heel sjoons te wachte.....

De manne van Kartoeshj



Euverzich Winnaars 't Limburgs Vastelaovesleedjes Konkorendje

JAOR	PLAATS	TITEL / TEKSDICHTER	COMPENIS
1977	Mestreech	Vaan Eysde tot de Mokerhei , B. Salden	J. Innemee
1978	Oppe Reuver	De zaagte geej , A. Wassen	J. Theelen
1979	Gelaen	Dan kal ich plat , B. Erkens/T.Arts	B. Erkens/T. Arts
1980	Zitterd	De beierheering , H. Wijnands	H. Wijnands
1981	Remunj	De vastelaovend heurt bie Limburg , N. Reijners	N. Reijners
1982	Guttecoven	Zoa moosj 't kènne blieve , G. Steinen/J. Wauben	G. Steinen/ G. Wauben
1983	Gelaen	Mie Limburgs blood , M. Zijlstra-de Loo	B. Erkens
1984	Meerssen	Dao moste mèt ljerre léve , L. Volders	L. Volders
1985	Gelaen	Hawt 'm vas de vastelaovend , J. Ridderbeekx	B. Dijks
1986	Mestreech	Jao heij in Limburg , J. Duchateau	J. Duchateau
1987	Linne	Wiebölle , P. Evers	J. Evers
1988	Venlo	Minse wie weej , F. Boermans	G. Aerts
1989	Venlo	De knappe(rikke) , F. Boermans/G. Aerts	F. Boermans/G. Aerts
1990	Gelaen	Ich tik neet richtig , M. Zijlstra-de Loo	B. Erkens
1991	Venlo	Det is ein joekskepel op joets , S. Maaskant	J. Jacobs
1992	Venlo	Waat hebbe we 't toch good , F. Boermans/G. Aerts	F. Boermans/ G. Aerts
1993	Tegelen	'nne Late , P. van den Akker	P. van den Akker
1994	Venlo	Heej of dao , G. Aerts	G. Aerts
1995	Horst	De ganse santekraom , C. Kuipers	T. Kleeven
1996	Mestreech	Drejje !! , U. & B. Garnier	U. & B. Garnier
1997	Venlo	Had ik maar , F. Boermans	J. Gubbels
1998	Ulesjtraote	Opzie, Opzie, Opzie , G. Jacobs	G. Jacobs
1999	Mestreech	Iech höb diech weer gevoonde ! Bert & Ursula Garnier	Bert & Ursula Garnier
2000	Venlo	Josefien , Wim Roeffen & Frans Boermans	W. Roeffen
2001	Ruiver	Good geammezeerd , Ar(nol)d Wassen	Ar(nol)d Wassen
2002	Gulpen	Wie d'r Herrgot Limburg had gemaak . . . Ben Erkens	Ben Erkens



JAOR	PLAATS	TITEL / TEKSDICHTER	COMPENIS
2003	Venlo	Dèh dan, dao isse Peter Jansen en Wim Janssen	Peter Jansen Wim Janssen
2004	Heële	Tweemaal aafgezeëg (en nog te kót) Paul Münstermann en Leo Keularts	P. Münstermann L. Keularts
2005	Bor	Wat zaeter?! Paul Heffels, Frank Dullens, Ben Erkens	Ben Erkens
2006	Lömmerig	Dat zit bie ons in de familie Guus Steinen	Guus Steinen

Sponsors VV De Katers, Neel

T.O.C
Boy Heijnen Saab
Neel Drinks
Pisters Dakbedekkingen BV
Bouwbedrijf J.A. Schmitz BV
Van Cromvoirt Makelaardij
Cafe-Restaurant Mijnheerkens
TCM Elektrotechniek
Cable Logistics
LogX Websolutions
Groba Food Equipment
Cafe-Zaal De Ster
Van Tuyl Technics
Flexion BV
Ganswinkel
Snijders Vleeswaren
MTR-reclame
Peraat Brandbeveiliging
Nedam
RWB Security BV
Ernst & Young
Masolijn Riet & Rotan
Quant Architectuur Venlo
Meeüs
De Rechter Assurantien
& Makelaardij
Midden-Limburg Makelaardij
Golden Tulip Landhotel Cox
Autobedrijf Bakkes BV
Mc Arthur Glenn Designer Outlet
Notarissen Hecke, Houben,
Urlings en Dietz
Bonnema-Stienstra
Maco Douane Service
De Vloerenshop
Nepak B.V. Swalmen
Accountantskantoor Zeegers

Boshotel Vlodrop
Thibor Projectinrichting BV
Nico Cox Hoveniers
Mundimat BV
Installatiebedrijf G. Sars v.o.f.
Rexel Nederland BV
Solvay Chemie BV
Mission Foods
Berkvens Tentenverhuur
Cafe-Restaurant Vice Versa
Incognito Kostuumverhuur
Jaspers Rijwielen
Slijterij Maasniel
Verstegen Ambachtelijke
meubelmakerij
Reisburo Düsseldorf Direct
De Kopieerder
Fysiotherapie Daelenbroeck
Van Pol Beheer BV
Lei Wolters Taxi- en
Touringcarbedrijf
Theelen Grondwerken
Adv. Van Boven/Van de Bruggen
Zuidstaete
Veugelers-Hoeymakers
W.H. Meisters Metselbedrijf
Ben Eilers Tenten BV
EP Killaars Electro
Mr. Present
Publica Buitenreclame
MPD Drukkerij

